



SIUMUT
INATSISARTUT

01. feb. 2017

Inatsisartut suleriaasianni § 37 naapertorlugu matumuuna imaattunik apeqquteqaatinik Naalackersuisunut saqqummiussivunga:

Apeqqutit:

- 1. Innarluutilinnut inatsit malittarisassallu qanga kingullermik allannguuteqarlutillu naleqqussaavigineqarpat?**
- 2. Innarluutilinnut atugassarititaasut Inatsisartut aalajangiiffigisaannik atuutilertarnerat pillugu maleruagassanik Kommune immikkut aaqqissuussinermikkut inaarsaasoqartarpa?**
- 3. Naalackersuisoqarfik Ulloq unnuarlu angerlarsimaffinni pisortat sulinerannut qanoq nakkutiginitsigiva?**
- 4. Naalackersuisoq apeqqummut 3-mut tunngatillugu qanoq oqartussaassuseqartigiva akulerunnissaminullu qanoq periarfissaqartigiva?**
 - Naalackersuisoq iliuseqarsinnaangippat akisussaaffik kia paarivaa?
 - Qaqugukkut aaqqiagiinngissutit pillugit iliuseqartoqartarpa? Qanorlu malittarisassat atuutitinneqartarpa?
- 5. Innarluutillit angajoqqaavi naammaginngisaminnik nalaataqarsimagunik sumut saaffiginissappat?**
 - Maalaarfissaqarunik sumut saaffiginissinnaappat?
 - Maalaarfissaqanngippata kikkunnut saaffiginissappat?
 - Tutsuiginartumik naapertuulluartumillu kiffartuunneqarnissaminnut isumalluarsinnaappat?

(Inatsisartuni ilaasortaq Laura Táunäjik, Siumut)

Tunngavilersuut:

Ulloq unnuarlu angerlarsimaffinni innarluutillit sullinneqarnermikkut ilaatigut qanoq ajorluinnarsinnaatigisumik sullinneqarsinnaasarnerat tusallattaakkani inuillu apuussisarnerannik saqqumilaa-leriartorsimavoq. Nunarput isorartoqaaq angallannerlu isertaqartuugaluaanniluunniit akisoorujussuavoq. Inuuniarneq akiligassallu ullutsinni akisoqimmata. Innarluuteqarnerli pissutigalugu angajoqqaat meeraallu avissaartariaqartarnerat ilungersunartuuvoq annernartuullunilu. Naak tamanna ajunnginnerpaamik isumaqarluni aalajangiivigineqartarluartoq. Tamanna allatut iliuseqarfinginngikkaanni angajoqqaajusunut innarluutilimmullu unammillernarsinnaaqaaq.

Suli oqimaannerulertarpoq meerarisaq illoqarfeqatiginagu ulloq unnuarlu angerlarsimaffimmi pisor-talunnikkut sullinnerlunneqarnikkullu pineqartutut misigisimalernermi nalaataqarnikkut. Anniaatip qaavatigut suli tarnikkut naalliutsitaaneq pineqartunut eqquinerlorujussuurtarpoq. Taamatut misig-nermi annikilliornerit saaffissaarunnerit, ikiortissaaleqinerillu takkuttarput.

Angajoqqaat nukittuut nukillaariartussanngippata toqqissisimanartumillu misigisimassappata sule-qatigiinneq pitsaasoq nassaarineqartuaannartariaqarpoq. Pisortat ilaatigut piginnaasamikkut nalor-sarnerat allaat imak annertutigisumik eqquinerluttarpoq, allaat sulisut taarseraannerujussuannik kinguneqartartumik. Ajuusaanartuuvorlu paasillugu inuit sulilluartut ilaatigut “misigisaminnik” qulliunerusunut apuussisarnerat piinnarlugit soraarsitsineq atorneqartarsimammat. Tamanna inis-saminiingilluinnarpoq. Ilanngullugu eqqaarusunnarpoq nakkutilliineri alakkaasoqaraangat sulisut ilinniarsimannikkaluilluunniit qanimut isumasiorneqaratillu apersorneqartannginnerat paasinarsisi-mammat. Uani soorunami pisortaq qanorluunniit suliaminut tunniusimalluarnerartumik oqartiar-tortuassooq imminummi illersortuaannartussaavoq, naak immaqa piviusoq sulisut akornanni allarlu-innaagaluartoq.

Allaat eqqunngitsunik ilumuunngitsunillu pissaanermik atonerluilluni angajoqqaanut pissusiler-sortarnek pisortaniit atonerlugaasarsimavoq. Tamakku tusartarlugit kipiluttuarnarluinnarpoq. Pis-sutsit suneqarsinnaanngitsutut taamak ingerlanerat akisussaaffigumaneqanngittoq inuiaassutsitinnut tulluanngilluinnarpoq akuersarneqarsinnaananilu. Annerpaamik eqqugaasartut tassaajuaannarput innarluutillit namminneq oqaasinngortitsisinnaanngitsut. Paasineqarnissamik pisariaqartitsipput, pingaartumik inuppalaassuseqartumik naleqquttumillu kiffartuunneqarnissamik. Tamanna pisinnaa-angikkaangat paatsiveerunneq, toqqissisimannginneq, nikallungarujussuarnerillu pisinnaapput. Taamaattumik paaserusunarsilluinnarpoq kikkunuku pingaartillugit illersorneqarniartut? Innarluu-tillit imaluunniit pisortat? Angajoqqaat ernumanermik aallaavilimmik apuussa qaraluaangamik annerusumik pitsanngorsaataasinnaasumik kinguneqartumik aaqqiivigineqartannginnertik sakkor-tuumik mamiasuutigaat. Tamanna pissuseq utikulasoo quarsaarnartuuvoo akuersarneqarsin-naanngitsoq.

Ilanngullugu qulliunerusuni sulineq qanoq Naalakkersuisunit aqunneqarnerisooq paasissallugu soqutiginarluinnartuuvoo. Naalakkersuisooqarfinni qulliunerusutut atorfillit tassaasarput pissusaaf-finnut akisussaasutut issiatitaasut. Taakkulu akornanni sulineq ilaatigut torernerusinnaanera inner-suunnarpoq. Malunnartumik ersinngitsumik “Kammalaatersorneq” atorneqartartoq ersarissiarpor-mat. Illersooqatigiinniaannarluni pissutsinut iluarsisarialinnut matoorineq inuiaqatigiinnut eqqui-nerluttuuvoo, tamanna Naalakkseruisunut qanimut sulissutigineqarnissaa kissaatiginarluinnarpoq.

Naalakkersuisut kaammattorusunnarput piaartumik innarluutillit angajoqqaavisalu atugaannut iller-suisinnaasumik periuusissamik nassaartoqartariaqartoq. Ilinniartitaaneq eqqarsaatigalugu nunaqa-vissunik peqarpoq pikkorissunik sulilluartunillu. Tamakku qimerlooqqunaqaat, nalilersuisooqar-tariaqarpoq atukkat ullumikkutut ingerlasut taamatut ingerlajuannannginnissaat anguniarlugit.



Kissaatigaara apeqqutima ullut suliffiusut iluanni akineqarnissaat.